



Broj: 01/15-02-98/26-1  
Sarajevo, 12. 1. 2026. godine

*Bosna i Hercegovina*  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 13-01-2026			
Org. jed.	Broj	Priloga	Vrijednost

**PREDSTAVNIČKOM DOMU  
PARLAMENTA FEDERACIJE BiH**

Odbor za energetiku, rudarstvo i industriju Predstavničkog doma Parlamenta Federacije Bosne i Hercegovine 12. 1. 2026. godine održao je 23. sjednicu Odbora. Sjednici Odbora prisutvovalo je sedam članica i članova Odbora, tako da su ispunjeni uslovi u pogledu kvoruma i odlučivanja.

Na 23. sjednici Odbora za energetiku, rudarstvo i industriju Predstavničkog doma Parlamenta FBiH predložen je i jednoglasno usvojen sljedeći:

**DNEVNI RED**

1. Zahtjev Ustavnog suda Federacije Bosne i Hercegovine za ocjenu ustavnosti Zakona o gasovodu "Južna interkonekcija Bosna i Hercegovina i Republika Hrvatska" ("Službene novine FBiH", br. 10/25), a po zahtjevu predsjednice Federacije Bosne i Hercegovine, koji je Odboru dostavio gosp. Dragan Mioković, predsjedavajući Predstavničkog doma PFBiH,
2. Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat pravedne tranzicije u odabranim regijama bogatim ugljem u BiH,
3. Tekuća pitanja.

Na osnovu člana 44. stav 2. i 48., a u vezi sa članom 70. Poslovnika Predstavničkog doma Parlamenta Federacije BiH, Odbor podnosi sljedeći:

**IZVJEŠTAJ**

**Ad-1**

**Zahtjev Ustavnog suda Federacije Bosne i Hercegovine za ocjenu ustavnosti Zakona o gasovodu "Južna interkonekcija Bosna i Hercegovina i Republika Hrvatska" ("Službene novine FBiH", br. 10/25), a po zahtjevu predsjednice Federacije Bosne i Hercegovine, koji je Odboru dostavio gosp. Dragan Mioković, predsjedavajući Predstavničkog doma PFBiH**

Članovima Odbora dostavljen je akt Ustavnog suda Federacije Bosne i Hercegovine sa zahtjevom predsjednice Federacije BiH gđe Lidije Bradara koji se odnosi na utvrđivanje



ustavnosti Zakona o gasovodu "Južna interkonekcija Bosna i Hercegovina i Republika Hrvatska" ("Službene novine FBiH", br. 10/25), broj: 01-02-2312/25 od 16. 12. 2025. godine.

Prisutni članovi Odbora razmotrili su navedenu tačku dnevnog reda te konstatirali da su na 3. vanrednoj sjednici Odbora, održanoj 12. 12. 2024. godine, podržali Prijedlog zakona o gasovodu „Južna interkonekcija Bosna i Hercegovina – Republika Hrvatska“, po hitnom postupku, čiji je predlagač Klub zastupnika SDA u Predstavničkom domu Parlamenta Federacije Bosne i Hercegovine. U vezi sa navedenom tačkom dnevnog reda, Odboru su se obratili gospodin Mirsad Zaimović, predsjednik Kluba zastupnika SDA u Predstavničkom domu Parlamenta Federacije Bosne i Hercegovine, kao i gospodin Vedran Lakić, federalni ministar energije, rudarstva i industrije.

Nakon rasprave o navedenoj tački dnevnog reda, prisutni članovi Odbora jednoglasno su usvojili sljedeće:

## ZAKLJUČKE

1. Sa stručnog stanovišta Odbor smatra da je bilo potrebno usvojiti Zakon o gasovodu „Južna interkonekcija Bosna i Hercegovina – Republika Hrvatska“ po hitnoj proceduri zbog potrebe njegove hitne implementacije, a zbog problema ugroženog snadbjevanja gasom u Federaciji BiH, kao i obaveza koje proizlaze iz direktiva Evropske unije.
2. Odbor ostaje pri svom zaključku o prihvatanju Prijedloga zakona o gasovodu „Južna interkonekcija Bosna i Hercegovina – Republika Hrvatska“ od 12. 12. 2024. godine, s obzirom na to da je Zakon već prošao redovnu proceduru, odnosno da je nakon provedene javne rasprave prihvaćen na sjednici Predstavničkog doma Federacije BiH održanoj 21. 12. 2021. godine, te da je u gotovo identičnom tekstu (osim člana 9., koji ne mijenja suštinu Zakona) razmatran i podržan na sjednici Odbora od 12. 12. 2024. godine.

### **Ad-2**

***Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat pravedne tranzicije u odabranim regijama bogatim ugljem u BiH,***

Uvodno izlaganje o Prijedlogu Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat pravedne tranzicije u odabranim regijama bogatim ugljem u BiH iznio je gosp. Vedran Lakić, federalni ministar energije, rudarstva i industrije. Prisutni članovi Odbora detaljno su razmotrili navedenu tačku dnevnog reda i jednoglasno usvojili sljedeći:



## ZAKLJUČAK

Odbor je podržao Prijedlog Odluke o prihvatanju zaduženja po Sporazumu o zajmu između BiH i Međunarodne banke za obnovu i razvoj (IBRD) za Projekat pravedne tranzicije u odabranim regijama bogatim ugljem u BiH-

Za izvjestitelja u Predstavničkom domu Parlamenta FBiH određen je gosp. Kadrija Hodžić, predsjednik Odbora.

**PREDSJEDNIK ODBORA**

Kadrija Hodžić, s.r.